

## कुण जाणे रे दर्द हमारा

कुण जाणे रे दर्द हमारा, म्हारा बिछड़ेया गुरुदेव पियारा,

में शरणागत गुरु दाता, म्हाने भर-भर अमृत पाता,  
म्हारी अमृत घाघर फुटी हींरा री लड़ली टुटी,  
कुण जाणे रे दर्द हमारा म्हारा बिछड़ेया गुरुदेव पियारा,

में शरण जाता म्हाने राम भजन री कहता,  
थे राम भजो म्हारा भाई थारी आवागमन मिट जाई ,  
कुण जाणे रे दर्द हमारा, म्हारा बिछड़ेया गुरुदेव पियारा,

सब मुलकन में छवि छाई वा मुरत नजर नहीं आई,  
थे फीका लागो रे भाई मेरी मण्डली रा मालिक नांही,  
कुण जाणे रे दर्द हमारा म्हारा बिछड़ेया गुरुदेव पियारा,

भाई बन्धु कुटम्ब परिवारा , ये दे रिया कष्ट अपारा ,  
अब आन बचाओ सतगुरु स्वामी , चरणों में आयो गुरु गोस्वामी,  
कुण जाणे रे दर्द हमारा , म्हारा बिछड़ेया गुरुदेव पियारा,

हनुमान भारती जी मोक्ष सिधाय्या म्हारे नैणां नीर भर आया,  
राजेन्द्र पुरी कथ गाया, गुरु बिन पार नही पाया,  
कुण जाणे रे दर्द हमारा म्हारा बिछड़ेया गुरुदेव पियारा,

<https://www.bhajanganga.com/bhajan/lyrics/id/3475/title/kun-jane-re-dard-hamara-mahara-bichdeya-gurudev-pyara->

अपने Android मोबाइल पर [BhajanGanga](#) App डाउनलोड करें और भजनों का आनंद ले |